



UNIVERSITÄTS-  
BIBLIOTHEK  
PADERBORN

## **M. Ant. Mvreti Variarvm Lectionvm Libri XV**

**Muret, Marc-Antoine**

**Antverpiæ, M. D. LXXXVI.**

Cap. 16. Correctus locus è secundo De diuinatione.

---

[urn:nbn:de:hbz:466:1-70864](https://nbn-resolving.org/urn:nbn:de:hbz:466:1-70864)

Correctus locus è secundo De Diuinatione.

## CAPVT XVI.

TOTAS noctes somniamus: neque vlla ferè est, qua non dormiamus: & miramur aliquando id, quod somniamus, euadere: Ciceronis hæc verba sunt è secundo libro De Diuinatione, exagitantis vanitatem somniorum, & negantis, si quædam somnia euentus comprobet, ex eo effici, vt ne somnia pro somniis habenda sint. nam in tanta copia & varietate, magis mirum foret, si nihil vnquam eorum quæ per quietem videntur, eueniret. quanquam autem, vt ego Ciceronis verba recitauit, ita in omnibus, quos vidi, libris leguntur: tamen excuti hoc mihi non potest, quin deprauata illa, & ad hunc modum corrigenda sint: *Totas noctes dormimus: neque vlla ferè est, qua non somniamus: & miramur, aliquando id, quod somniamus, euadere?* Quod quidem ita mihi perspicuum videtur, vt ne confirmatione quidem egeat, aliorum tamen iudicium facio.

Semiramis quo astu ad regnum peruenerit.

## CAPVT XVII.

VAFRA in primis & astuta ratione ad regnum ex humili & abiecta conditione peruenisse Semiramis dicitur. quæ historia cum haud ita multis nota sit, neque Latinis, quod sciam, litteris prodita, refertur à me ita, vt scriptam in Græcorum Commentariis repperi. Aiunt igitur eam initio vernæ cuiusdam regij ancillam, ac cõcubinam fuisse. in quam cum aliquando incidisset rex Ninus, forma eius & lepore captus, amare cœpit. obsecuta regi mulier, ita eum sibi paulatim stupri cõsuetudine astrinxit: vt nihil esset tantum, quod

K 5